

Maajip 21-iat 2024

UPA2024/157

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 2/2023-mik Inatsisartut ilaliinissaannik siunnersuut:

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalackersuisunut kaammattuutigaa najukkani nunanilu avannarlerni killerni nerisat nikerartuunissaannut pyramidimik ataatsimoorussamik pilersitsinissamut, tassungalu ilanngullugu nalunaarusiami Nordic Nutrition Reccommendations 2023-mi kaammattuutinik piviusunngortitsisinnaanermut periarfissanik misissuequllugit.

(Aallartitat siulittaasuut Doris J Jensen, Siumut)

Nunat Avannarliit Killiit Nordic Nutrition Recommendations, imminut pilersornerunissamut nerisanut pyramidilornissamik pilersitsinissamut kaammattuutaanut Siumumit qujarusuppugut.

Siumup angorusuppaa inuiaqatigiit imminnut pilersortut, taamatuttaarlu Naalackersuisut aamma suliaqarlutik aallartisimalereerput, taakku pisiniarfinni takoqqusaarutini aalasulianilu nuisasalereersut ilisimaaraarput, taamatuttaarlu Naalackersuisut suliaanni Inuunerittami 3, Kattulluta Inuuneritta aammalu pisiniarfiit suleqatigalugit Mamarisavut tamarmik imminut pilersornerunissamut nerisattalu atorluarnissaanik siunnerfillit inuiaqatigiinnut sunniulluarnissaannik kaammattuisut ingerlanneqarput.

Taamatuttaarlu Siumumiit ilisimavarput nunaqqatitta post doc-ip nerisatta qanoq inuussutissaqartiginerik misissuisoq, taannalu massakut allat peqatigalugit kaammattuinerminut atatillugu Ilisimatusarfimmi Bioliginngorniarsinnaaneq aallartippaat, taakkulu inuiaqatigiinnut pitsaasumik sunniuteqarlualerumaarnissaat Siumumiit qularinngilarput.

Nunarsuarmi pisimasut isigissagutsigit 1940-kkunni sorsunnersuup nalaani pisiassat allanngornikuugaluarput, Amerikamiit nioqqtissat Nunatsinnut tikittalerlutik, sanitsinnilu aamma Amerikamut Tuluillu Nunaannut ingerlatilernikuugaat ilisimavarput, kingorna Naalagaaffinngussutigisimannik. Nunarsuatsinni massakut aalassassimaartoqaannaleqqavoq, naalagaaffiit angisoorsuit imminnut aarlerisaartuaannaleqqapput, aammalu sorsuuttoqarluni. Ilisimaaralugu nunarsuatsinni annertuunik niuernerup iluani allanngortoqariartaarsinnaanera allaallumi attaveqatigiinnernik kipititsisoqaratarsinnaanera ilisimaaralugu, pingaaruteqartorujussuarmik Nunat Avannarliit Killiit kaammaattuuteqartut Siumumiit isumaqarpugut.



Minnerunngitsumik Nunatsinni inuiaqatigiittut nassaartuillaqqinneq, nammineerusunnermik pigisaqarneq imminullu pilersorsinnaaneq pingaartillugu kaammattuut Siumumiit ilalerparput.

Massakkummi salatinik naatitsisarneq ukioq kaajallallugu piulereerpoq, tamanna Siumumiit tapersersortuarumavarput, qanoq naatitat arlallit nammineq naatitalertuugutsigit tulluusimaarnaq. Ilaatigummi tatsit ukioq kaajallallugu kissartut atorluangeqaagut, sanilitta atorluagaat. Qeqertarsuarmi tatsit ukioq kaajallallugu kissartut amerlasoorujussuusut ilisimatuut allaaserereernikuuaat, atorluangilagut. Sumi tamaani Nunatsinni tamakkoqarpoq, naatitsinnermut atorluarsinnaasut. Qanortoq tamakku siunissami atorluarneqalerlik.

Taamatut oqaaseqarluta Nunat Avannarliit Killiit nunat immikkut iluminni aammalu ataatsimoortumik neriassanut pyramidiliornissaannut kaammattuutaat Siumumiit akueraarput.

Najaaraq Møller
Siumut